

## SAUNDERS, EVAN (bu farw 1742), diacon

**Enw:** Evan Saunders  
**Dyddiad marw:** 1742  
**Plentyn:** Rees Saunders  
**Plentyn:** David Saunders  
**Plentyn:** Thomas Saunders  
**Rhyw:** Gwryw  
**Galwedigaeth:** diacon  
**Maes gweithgaredd:** Crefydd  
**Awdur:** Benjamin George Owens

Diacon ffyddlon a medrus yn yr eglwys Fedyddiedig yn y Coedgleision, Betws Bledrws; symudwyd yr eglwys honno i'w dŷ ef yn Aberduar ar ymadawiad **Enoch Francis** y gweinidog i fyw i ardal Castellnewydd Emlyn tua 1730. Dechreuodd bregethu ar farwolaeth y gweinidog yn 1740, ond bu yntau farw yn 1742.

### DAVID SAUNDERS 'I' (bu farw 1812), gweinidog

Mab iddo, a godwyd i bregethu yn yr eglwys yn 1764 a'i ordeinio'n gyd-weinidog â **Zecharias Thomas** a David Davies yng ngwanwyn 1771. Ond gweinidogaeth drafferthus a gafodd yno. Sonir am yr aelodau ym Methel, Caer, yn diflasu arno ac yntau'n cytuno i wasnaethu'r canghennau eraill, a dywedir iddo ymuno â'r Bedyddwyr Cyffredinol, er nad oes sôn iddo gymryd gofal eglwys. Bu farw yng nghartref ei frawd Thomas Saunders yn Undergrove, Llanbedr-Pont-Steffan, 26 Ebrill 1812, yn 81 oed. Cyhoeddodd *Antigraphon; neu Wrthargraphiad Sion, yn achos y Cam-achwyniad a gafodd ... mewn Llyfr Newydd, a elwir Amddiffyniad o'r Eglwys Grist'nogol, yn bedyddio Plant Bychain*, 1780, a *Marwnad*, 1791, i **William Williams**, **Pantycelyn**.

Nai iddo, a mab Thomas Saunders, oedd **David Saunders 'II'**, gweinidog capel Seion, Merthyr.

## Awdur

**Benjamin George Owens**

## Ffynonellau

*Hanes y Bedyddwyr ymhlith y Cymry: o amser yr Apostolion, hyd y flwyddyn hon: yn ddwy ran* (Caerfyrddin 1778) (arg. 1885), 385, 518, 522, 526, 539

David Jones, *Hanes y Bedyddwyr yn Neheubarth Cymru* (1839), 130, 133, 327, 329

Archifau LIGC: **NLW MS 10785C**

W. Rowlands, *Llyfryddiaeth y Cymry* (Llanidloes 1869), 600, 658

*Trafodion Cymdeithas Hanes Bedyddwyr Cymru*, 1930, 52; 1942, 16

## Dolenni Ychwanegol

Wikidata: **Q20733042**

**Dyddiad cyhoeddi:** 1953

**Hawlfraint Erthygl:** <http://rightsstatements.org/page/InC/1.0/>

PDF Argraffu Cyfeirnod

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchfeyrdiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n **tudalen codi arian** am ragor o wybodaeth.

Erannu

Arddull APA

x

Owens, B. G., (1953). SAUNDERS, EVAN (bu farw 1742), diacon. *Y Bywgraffiadur Cymreig*. Adferwyd 2 Tac 2024, o <https://bywgraffiadur.cymru/article/c-SAUN-EVA-1742>

Erannu

LGC  
NLW

LLYFRGEL  
THE NATION



Ysgrifeddiadau  
Llywodraeth Cymru  
Copied by  
Welsh Government